

“Сув муаммоларини ечишда рақамли технологиялар” мавзуси долзарблиги талабалар томонидан намойиш этилди

22 март Бутунжаҳон сув куни муносабати билан туркум танловлар таркибида “Сув муаммоларини ечишда рақамли технологиялар” мавзусидаги мунозаралар танлови ҳам мавжуд бўлиб, ушбу танлов талабаларимизда мавзуга нисбатан танқидий-тахлилий нуқтаи назар билан ёндашиш, мавзу доирасида аргумент ва фактларнинг асосли келтириб ўтилиши, соҳада мавжуд муаммолар ечимлари юзасидан янги инновацион ечимларни келтириб ўтишдаги аниқлик ва баҳс этикаси қоидаларига қатъий риоя қилиш борасидаги малакавий тажрибаларини шакллантиради ва ривожлантиришга хизмат қилади.



Мунозаралар танлови 11 март куни “Бутунжаҳон сув куни” туркум танловларининг биринчи кунида бўлиб ўтди. Танловда 20 та жамоада умумий 60 нафар иштирокчи қатнашдилар. Танлов икки босқичда иштирокчилар ўзлари тайёрлаб келган лойиҳалари ҳимояси ва “Сув муаммоларини ечишда рақамли технологиялар” мавзусидаги мунозара шаклида ўтказилди. Биринчи босқичдан финалга йўлланмани қўлга киритган беш жамоа финал босқичида фахрли ўринлар учун баҳс олиб боришди.



Натижаларга кўра “HYDROLEADERS” жамоаси 1-ўринни, “A-B Smart” 2-ўринни, “Гидравликлар” 3-ўринни қўлга киритишди. Ҳолибларни ушбу ютуқ билан табриклаб, келгуси ишларида муваффақиятлар тилаб қоламиз. Эслатиб ўтамиз Бутунжаҳон сув куни туркум тадбирлари 11-13 март кунлари давомида ўтказилади.

ТИҚХММИ матбуот хизмати